



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 20 fulan-novembru tinan 2020

Konsellu Ministrus hala'ó sorumutuk iha Palásiu Governu, iha Dili, no prova ona, projetu **Dekretu-Lei, ne'ebé kria Institutu Nasionál Kombate ba HIV-SIDA, I. P. no aprova sira-nia Estatutu**, ne'ebé apresenta husi Vise-Primeira-Ministra no Ministra Solidariedade Sosiál no Inkluzau, Armanda Berta dos Santos. Ho aprovasaun ba projetu Dekretu-Lei ne'e, Governu ne'e hakarak define ho forma klara kona-ba natureza jurídika ba instituisaun prevensaun no kombate ba HIV-SIDA ida-ne'e, hodi adota estrutura ida-ne'ebé simples no funksionál, ne'ebé garante iha simultánea representatividade husi departamentu governamentál sira no organizasaun sosiedade sivil relevante sira iha kombate ba HIV-SIDA.

Aprova ona mós projetu **Dekretu-Lei kona-ba Alterasaun Dahuluk ba Orgánika Ministériu Turizmu, Komérsiu no Indústriá nian**. Projetu Dekretu-Lei ne'e ninia objetivu mak atu armoniza substánsia husi Lei Orgánika Ministériu ne'e nian ho atuál Lei Orgánika Governu Konstitusionál VIII nian, liuliu kona-ba kompeténsia sira husi Vise-Ministru Komérsiu no Indústriá no husi Vise-Ministra Turizmu Komunitáriu no Kulturál nian. Nune'e mós, tuir Lei Orgánika Governu Konstitusionál VIII nian, Sentru Lojístiku Nasionál ne'e sei la kontinua atu inklui iha tutela Ministériu ida-ne'e. Dekretu-Lei ida ne'e halo estinsaun husi Gabinete Apoiu Tékniku no Jurídiku no harii Diresaun Nasionál ba Asuntu Jurídiku sira, ne'ebé integra iha Diresaun-Jerál Koordinasaun, Administrasaun, Finansas no Planeamentu nian. Harii mós Diresaun Nasionál Turizmu Komunitáriu no Kulturál, ne'ebé integra iha Diresaun-Jerál Turizmu nian.

Ministra Finansas ein ezersísio, Sara Lobo Brites, apresenta ona projetu **Dekretu-Lei**, ne'ebé aprova ona husi Konsellu Ministrus, **kona-ba pagamentu estrordináriu husi saláriu adisionál fulan ida** nian ba funksionáriu, ajente no kontratadu sira Administrasaun Públika nian. Funksionáriu no ajente sira hotu Administrasaun Públika nian abranje husi pagamentu estrordináriu ida-ne'e, exetu funksionáriu kontratadu





PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

sira-ne'ebé ho saláriu mensál aas liu duke dolar amerikanu rihun lima no funsionáriu kontratadu estranjeiru sira.

Konsellu Ministrus aprova ona mós projetu **Dekretu Governu** nian, ne'ebé apresenta husi Ministra Finanzas ein ezersísiu, kona-ba **pagamentu suplementár ba funsionáriu no ajente sira ne'ebé mak hala'ó servisu ba prosesu preparasaun Orsamentu Jerál Estadu nian ba tinan 2020 no tinan 2021, no taka Konta Jerál Estadu tinan 2020 nian**. Suplementu ida-ne'e ho objetivu atu kompensa volume extraordináriu serbisu husi funsionáriu no ajente sira Ministériu Finanzas nian ba prosesu preparasaun Orsamentu Jerál Estadu tinan 2020 nian.

Ikusliu, Diretór Ezekutivu TIC Timor no Prezidente Komisaun Téknika Eventuál ba Preparasaun Estratéjia ida ne'ebé Integrada atu Implementa Sistema Identifikadór Úniku husi Sidadaun Timoroan sira, Roberto Caetano de Sousa Vicente, apresenta ona ba Konsellu Ministrus **opsaun estratéjika sira ba implementasaun identifikadór úniku nian**. Sistema identifikadór ne'e sai hanesan baze importante ida atu hadi'a prestasaun efetiva, efisiénsia no planeamentu servisu públiku sira-nian no asegura jestaun no koordenasau ne'ebé di'ak liu ba polítika sosiál, no, iha tempu hanesan, atu permite kontribui ba konstrusaun estruturada governasaun eletrónika nian iha Timor-Leste. **REMATA**

